

青芝山館集

青芝山館詩集卷第五

臨川 樂 鈞 元淑

古今體詩

乙卯下

過盧溝橋

微蹤絆塵塊心與泉石謀一旦別燕市有如鷹脫鞴江河渺
南戒始矚桑乾流車輪無羽翼逝欲騶鸞虬鞭梢裂竹響轅
馬仍迴頭萬物各有戀同途分去畱卻憶在都時絲絲歲五
周歸心日轉軸晝想夜復休行否尚難必程期敢預籌暮風
發千里春氣疑涼秋遲速付時運前途非所憂

別西山

朝見西山雲暮見西山月西山不可畱來與西山別

童女

河間見童女手垂行道邊
黧面赤兩腳遶巡來乞錢
問女何事與夫能具言
去年河水漲麥隴成沙田
壯丁盡閒暇有力無由勤
脫身走他鄉老弱多棄捐
樹膚剝削盡搜及枯草根
君看所過邨十室九無煙

朝廷憫飢困租賦皆免
蠲野色已微綠災黎天亦
憐春深農事急耕作毋遲
延父兄庶來歸努力求豐
年

河間道中見道旁栽官柳者

平原一望春何有官道募
民植官柳無枝無葉森兩
行課以澆培兼邏守要使
成陰庇行路孝寬善政出
誰某官斯土者其賢乎愛
爾部民應更厚民事最重
惟桑麻種栽各得及時否
舊存老樹皮骨盡半作柴
薪半糶糗此柳縱成須十
年焉

知不斧飢人手我來重過定何日可有垂絲拂馬首前途倘
遇綠楊邨且飽邨糜醉邨酒

過趙北口

枯草廢田三百里眼明見此拍天水釣船出沒玻璃中欲借
漁竿引雙鯉新柳戢戢驚毛黃可憐風物似江鄉須臾又到
塵溪處車鐸郎當去路長

富莊驛夜發

歸夢一何短星繁夜色高啾噓奴轅被瀚駝馬喧槽暗樹修
修出荒雞遠遠號馳驅連日慣筋力漸堪勞

平原縣

振衣辭曲路平原飲馬駐平原客子方愁晚農人尚負暄沙
痕分道界草意綠城根稍覺風光好塵眉一豁軒

平原二十里鋪

夜投平原東草屋半頽朽牀敲不可眠破睡資邨酒督郵風
味惡杯空懶引手何樂無腥膏脫粟徒饑口妓歌聯臂來籬
者年八九四絃嘈切彈愁緒轉紛糾沈沈夜何其竹檠昏前
牖樵馬辭空槽登車望牛斗

晏城謁晏子祠

歸鳥衝煙下晏城春風拂面想齊卿道旁已見槐榆古堂下
曾聞藜藿生纖屨養親慙往事執鞭爲御寄遙情欲蓋一豆
飯三弋祠樹蒼蒼暮靄平

初至濟南

千里春無影明湖草獨青一城凹仰日千佛歷山一名張
屏見水心如浣逢花眼乍醒夜來檐馬動猶認響車鈴

見月

半規明月一窗寒，又向齊州客舍看。
別後故人惟汝在，隨余千里出長安。

赴飲夜歸追和袁蘅舉都中送行詩韻卻寄

醉懷渺渺託吟牋，客味怱怱似酒筵。
易散杯盤當此夜，盡離朋舊是今年。
奔泉落石聲連海，斜月穿林影射天。
爲問風流袁彥道，新詩高詠阿誰邊。

觀趵突泉

泺上多名泉，溝渠肆演酌。
突泉尤奇平，池自衝捲靈。
派吐王屋潛，流東岱嶽蓄。
氣千里來及茲，乃一展去爲滄海。
波地力豈能限三竇，列虛養一源。
冒長筧稍入澄沙，定猶推碎石。
轉今春雨澤稀，微覺滄溟淺。
未撐冰雪柱，但覆頗黎盃。
聞往年雨

多泉高數尺如柱今道人酌銅斗為我烹香薷此身成坐忘

名理細推開嘗味子與言蓋科乃有本觀水觀其瀾原泉常

混混又云水就下有苦人性善自非搏激之厥勢宜平行盪

泉與神澆頰亦著前典昔疑今始覩形合義或舛母乃泉客

宮真珠濺滿眼或疑蛟龍窟息常噴喘往者純陽子會雷

玉柱篆白謂對泉來當門坐祖跣泉上純陽洞門結云勝地

泉非古也字云悟是神仙境靈奇自應顯洞天既有路蓬嶠

儻不遠何當騎鯉魚雲外聽雞犬

同馬秋藥郎中履泰遊五龍潭

東風夜靖清明煙遊人照影天鏡泉泉在潭側為上冷雲密

處見松舍一水走地長蜿蜒垂楊芳草蕩幽碧倒射天光幾

千尺信知溪竊足神靈只恐迴翔終逼窄東有滄溟瀾蕩里

鼉鼉競鼓波濤起五龍豈是厭喧闐掉尾來潛衣帶水紛列

雨師從海童此間何處藏珠宮空傳神物不可見但見遊鯉

如花紅詩人近啓扶風帳秋藥時爲灤源山長濯髮清流寄跌宕煩君

呼起花山雲與我同騎葛陂杖卻訪東吳陸天隨吳中陸秀

潭上佛寺獨遊泰山猶未歸壁間借笛吹精列疑有羣龍繞屋飛

灤源書院葦蕩望華不注

岱宗多兒孫最小華不注一朶青芙蓉欲看不知處葦蕩偶

沿緣奇峯插煙霧拔地齧足撐刺天虎牙吐旣舒出塵眼願

縱簡雲步上追太白蹤遠續遺山句往者晉甲強齊師走無

路戲笑生戈矛山靈豈無怒終然衛社稷屹立遮戎輅三周

敵氣衰一柱神功著華泉得取飲紀廡因行賂山孤勢則雄

亦足資險固倒影隔湖波流雲過海樹峯尖明夕陽鴉色翻

城暮

歷下雜詩十六首

九陌風寒蝶信遙今年幸有兩花朝
歷城城外春無價盡費黃金鑄柳條

明湖春水似春田界斷漁人舴艋船
蘆荻未芽蓮未葉最佳應是早秋天

輕寒送雨入窗扉嫩草如煙綠上衣
春日豈宜常作客家家燕子望人歸

寒食今年正雒山賣餠聲裏憶鄉關
六年未埽東郊墓每見梨花一愴顏

青山城郭綠楊街處處泉名刻石牌
還讓城西誇絕勝家家流水繞庭階

鐵牛從古失嗟哦短柵長垣水一渦傳說山頭當海眼不勞

精衛更填波

鐵牛山不可見但窪水耳廣可二尺圍以木柵其下乃山云

娥英春水碧溶溶合與城東舜井通幾點蒼梧斑竹淚可能
流到此泉中

歷下屯軍罷太忙酈生果是賣齊王便教下漢須防楚畱備
黃河計亦長

金碧新祠祀鐵公當年城上舞梯衝燕王自合榆川死鐵板
難收弟一功

我聞賢劫成千佛誰信齊州石亦盡無草無花無樹木山頭
都似佛頭青

海棠已見委蒼苔急爲紅梨冒雨來春色春情都絕世可憐
牆角背人開

杜康泉水次中冷二十三銖重一升我飲千鍾猶不醉人間
安得酒如澠

歷下亭邊雲滿湖誰華橋上柳藏烏月明倚樹風淪水好句
今人道得無

野客盆池蓄錦鱗餐香暖影意相親長河正有桃花水多少
游魚上釣綸

濟南名士數華泉司寇稱詩又百年秋柳一時榮豔極只今
憔悴古亭邊

奇絕芝芙夢裏情先教夫婿識才名一溪柳絮門前水猶作
青閨漱玉聲

李易安故宅在西門外柳絮泉上易安有漱玉集

夜行

好夢三更總不成脂車還逐夜雲征氣無相迷雞聲壯身此

燕昭馬骨輕高樹迴如人獨立遠風時與劍爭鳴前途依舊
多塵土枉向明湖一濯纓

登岱四首

去路疑遮斷歸心入混茫雲光沈野白樹色通天蒼封禪始
黃帝登臨經素王名山誇故實嵩華亦尋常

千崖多破裂萬古不崩齷空處積元氣分來皆洞天煙嵐浮
掌上雷電起胷前膚寸當年石秦人未敢鞭

地軸環滄海天門鏤碧霞古人只松樹仙影是桃花窄徑香
籠屐幽巖雪煮茶扶筇登日觀已值夕陽斜

天風挾海雨吹溼仙人衣下界雲千疊遙山霧四圍橫煙靑
鳥過瀑水白龍飛似可凌虛去籃輿載我歸

新泰道中旅舍見燕贈以長句

上已風吹車上塵飢腸轆轤車轉輪道旁茆店買一飽雙燕
銜泥飛傍人呢喃相向若有訴似欲過客憐其勤我謝燕子
意良厚天涯飄泊勞相親萬物異類情則一營巢作室同苦
辛爾家於此我過此爾尚爲主吾爲賓我有敝廬在南國身
無羽翼嗟長雲徑思借爾飛雲軒送我還家及好春爾若渡
江尋舊識開簾待爾來爲鄰

卽目

溪頭野草青於麥屋角晴山淡入雲自過歷城公路看江南
風物見三分

宿遷道中

山到沂州盡人從泰岳來雲樞森樹杪麥浪湧城隈春色歸
農事遺封借霸才桃花還笑容時傍馬頭開

戲題旅舍壁

丈夫安能事一室仲舉所言吾口實塵牀鼠跡何曾佳懶爲
拂除費白日在昔山居慵惰極一時儕輩無我匹年來作客
衾自衽舊病十分愈六七北平地燥天多風終歲浮埃積紙
筆几樹_紅橫堆亂書坐處往往不容膝客來倉卒尋冠韉禮
數恩忙多闕失天賦我拙人諒吾反因脫畧賞真率而今卻
師郭有道臨行灑掃務_娥悉所至拉雜皆摧燒居然部署有
紀律或塗窗壁穢階砌奴子時常被呵叱身非貴使非名賢
除道掃門誰統帥人疑前後何絕懸母乃飾情非素質久居
暫住事本殊義各有取寧執一座上交帚信無謂井中瀉莖
尤不必於人有益己無妨力苟能爲復奚恤儘教兩眼空落
籬不使寸心有桔槔他時穩臥故山雲疎態野情還百出

發漁溝

曦輪未卓午薄醉離漁溝寒惟試南望漸覺清兩眸黃河斷
修軌將買江淮舟從茲謝塵壒放棹隨奔流殷勤告僕御鞭
馬毋滯留車行仍不速日夕猶道周道逢北去人背馳各不
休我會過來處一一當經由仰看天際鳥飛鳴皆有求俯首
自三歎我何爲此遊

清江浦登舟作

征馬隔黃河長鳴送客過伸眉對煙樹放膽逐風波隨柁花
千點衝帆鳥一梭清淮有良醞狂飲聽漁歌

清淮酒王九傳其法於山陽見

梅聖俞詩注

薄暮小飲

買酒山陽縣開蓬坐夕暉食魚防骨鯁見燕覺心飛隄樹疎

搖水城煙冷撲衣鉢池應好在仙客可曾歸

夢遊武夷歌

井序

三月初十夜舟次山陽境夢人招遊武夷山至一貴家園
圃恍若熟遊者啓其南扉修竹蔭翳陟小坡望見山頂形
如覆鐘斑斕射目余欲往登而主人止之遂覺

武夷峯巒三十六武夷溪水作九曲朝霞漬石倚層霄遠在
崇安未到目名山三百傳圖經雲氣變幻迷真形蠟屐跋跋
走人海故山亦隔雙眸青昨來振衣岱宗頂隘視八荒卑衆
嶺罡風吹墮淮沂東回首天門失嵐影豈其塵袂洗仙雲岳
神已告武夷君許我珠庭探玉策趾離受命通殷勤絳節雲
車相導往誰家池閣排銀榜懸蘿挂壁無丹梯鐵笛一聲何
處響山靈藏卻青芙蓉九天緹下浮金鐘欲擊蒲牢掣鯨尾

凌風一笑誰能從主人急挽衣裾住似說如今未可去會待
心空俗累消青鸞黃鶴應來赴菊花枕上聽春流身寄山陽
一葉舟幔亭未捲虹橋在還向華胥覓快遊

寶應雨後舟行甚疾

半日寒陰半日晴流雲送客似多情秦郵兩岸青蘆葉不及
春波一葦輕

雨中過高郵

社湖南雨作絲舟中無故有相思春風綠遍蕪城草畫出
秦郎絕妙詞

寓居揚州護國寺作

柳月鳴孤槩迎潮泊廣陵行沽臨水店寄食賣花僧
花爲業
睡夢酣仙枕羈愁懺佛燈亦非畱客處差喜避器能

蜀岡晚興四首

廣陵名識似彭亡合是隋皇葬骨鄉

廣陵之名始於秦而隋楊帝名廣其陵在雷塘

可云預識初疑曉說後歸惟宮成春已去門雞臺沒夜何長

閱野客叢書亦有此語當年江北方榮李異代淮南又屬楊一帶墓田芳草合可能

獨自占雷塘

縱橫百戰古燕城僑置紛紛充廣名金棗銷磨成土色玉簫

悲怨雜笳聲畫疆只限南條水守險兼資北府兵輿浦於今

久清澈江淮千里暮雲平

竹樹高低倚蜀岡駝臺傾圮釣臺荒野王圖畫收東府開士

鐘魚出上方

禪智寺今名上方寺

書簾幾人傳逸學酒家何客是詩狂

湖隄無限青青柳可及瓊花故事香

月觀風亭被綺羅南朝金粉得來多幾船簫鼓迴殘照三月

煙花稱豔歌儘有海波熬白雪只須湖水敵黃河豪華亦自
關形勝枉笑夫差罪阿廢

謝薌泉酒使

振定

招遊湖上登尺五樓作二首

水雲輕送落花風人在絲簧繚繞中一片綠楊遮不斷和煙
吹過畫樓東

窗扉斜對秣陵間誰是蕪城作賦才可惜酒香花喚地青山
不肯過江來

題曾賓谷都轉

樓

西溪漁隱圖

會侯示我畫一幅云是舊遊之西溪七十二峯化雲水梅花
蔽空村路迷君欲此間作漁隱君方吏隱何漁爲綠蓑青笠
挂何處簪組未照清漣漪避世金門道則大身當富貴心難
違箕頴但可適巢許唐虞自必登臯夔遂初一賦終在篋短

夢時落西湖西背時振羽溪上飛煙淡水澗無人知葦葉蒼
花靜對影銀鷗雪鷺同忘機溪上漁人亂無數其中隱者真
有誰凡魚總忘江湖樂仙鳥乃苦樊籠羈君家麻源弟三谷
謝客曾賦紅泉詩君今擁節蜀岡下岡上亦有歐陽祠古賢
勝賞隨所遇宦遊何必殊幽棲山風水月本公物惟有心者
能私之他日鑑湖如乞得有人把釣來相隨

三月三十日寶谷都轉招同張警堂觀察銘王夢樓

文治

少林

嵩高

兩太守尤水邨布衣

胡香

海進士

森黃海廣文

翔雲

雙木明經

林

湖上看芍藥

十日春風去無影立夏已花神入夢催人醒江南桃李盡濃
陰出得廣陵花幾頃廣陵芍藥豔天下色香僅比豐臺亞闌
干面而貼雲霞華幙重重貯蘭麝使君急主看花盟頓令春

物皆有情流鶯小語呼攜酒亂蝶飛引出城是日湖煙漾
晴綠鉛鞍繡憶交馳逐柳線輕搖曲岸風荷錢散繞清灣竹
管絃聲裏畫船開便有花氣迎人來明鏡中間藏島嶼絲絲
一路繡樓臺尺五樓前初倚棹衣裳早被花光照垂頭罌粟
似含羞側面薔薇仍買笑籬園花更千萬枝狂香浩態紛迷
離閨苑羣仙高會處瑤池侍女竝來時就中一帶花三朶清
情未啓葳蕤鎖蘭昌豔魄倚肩行楊氏諸姨連袂坐小部清
歌聲繞梁四邊玉女來窺窗吳苑樓烏啼上屋秣陵燕子飛
渡江橋上簫聲隔夜起不愁明月隔千里燈影紅連樹杪星
酒波香透湖心水前日看花花未放輕撓細剪桃花浪今日
看花花正新仙螺滿貯梨花雲流年被浮蹤誤似此冶遊
能幾度金帶圍前振綠衣玉盤盃底分清露昔賢盛宴誇安

陽使君雅韻堪頡頏三月煙花賸此日一時羅袞同斯堂主
酬賓醉已酣暢還見蘭陵傳絕唱前代湖山未寂寥明晨風
雨休惆悵花名可惜是將離已送春歸客又歸座客言別
者數人我
是花前一過鳥鷓鴣相喚亦南飛

題鄴泉漕使玉帶橋觀月圖

躡屐跨長虹大江連海空萬里化明月仙心寄瑤宮牛渚亦
在江流中袁生高詠今誰同我欲放舟乘夜半山僧休打妙
高鐘

誰莊詩爲葉孔章作

斯人各有我萬物會私誰以誰名其莊非達誰能之君家歛
藍田云自鞦川移廿載寄江北黃山雲又迷一身尚燕壘底
物非鴻泥往時宋公墅摩詰來賦詩繩牀亦暫置水竹今何

依樓蟻據土穴蛟龍蟠天池鉅細卽有判經營同一癡維君
洞此理獨與浮雲期寸心旣無戀外物翻來歸請看歛浦口
猶有任公溪

張寶崖參軍

峯

爲寫蓮隱弟二圖題三絕句

閒身雅稱芰荷衣秋水當門待客歸二十四鷗花一色六年
不傍海翁飛

江南花妬耶耶溪女海上雲迷太乙星何處林塘如許勝被君
傳寫入丹青

仲寶幕中原借住歐公堂下只閒遊荷錢已大宜歸去歸到
臨川是早秋

開江行

兩淮倚一海一江通兩淮運鹽借江水江岸鹽船關鹽船未

開江要祭使君特爲開江至士女踏倒眞州城鹽河兩岸圍
珠翠河上高樓高幾丈使君獨坐萬人望鹽商捧爵壽使君
明日酌酒酬江神使君再拜江風起風送鹽船卽千里章貢
湖湘列肆居鹽商賣鹽如賣水鹽商賣鹽復買鹽東南徼利
鹽能兼爨玉炊金食鹽力世間物味無鹽甜江水滔滔日東
逝子孫飲水忘鹽味蜃口藜羹淡食難此時亦歎官鹽貴吾
鄉地界閩浙間閩鹽浙鹽堆作山閩浙私鹽敢越界總須官
鹽入羹菜不見江湖并海潮焉知官鹽來路遙鹽多錢少買
不得但覺年年鹽價高鹽價自高民自苦爾池爾井不堪煮
願通海水到門前煮作官鹽賤如土

湖上畱別陳理堂孝廉變郭厚庵秀才並三首

綠楊隄下繫扁舟畧似神仙跨鶴遊他日玉簫明月夜人傳

杜牧到揚州

餞別湖干日最長
明晨夏至更端陽
蓮花橋外雲如水
飄入詩瓢酒盞香

邗江江水接京江
去與南飛鷺作雙
只待數聲柔艣動
滿天離思落船窗

真州城東荷亭同尤水邨胡香海雙木小飲

芙蓉五十畝圍在綠楊中
酒氣經花釀衣香借水通
遙心追燕子醉眼失鳧翁
坐久得奇夜月波時一紅

真州絕句三首

凸字城東八字橋
青鸞坊裏夜吹簫
詞人葬骨仙人掌
殘月無情上柳條

芳草家家綠到門
城中冷落似荒邨
行春門外街如繡
半是

簾波半水痕

黃梅時節賽都天十里鹽河塞畫船遊女衣裳都淺碧香花隊裏門嬋娟

眞州杜烈女詩

眞州烈女杜恫姑身猶未嫁能殉夫殉夫烈女何必無殉義分明誰則如姑爲夫母舅夫父不見舅姑身曷主旣見舅姑得死所嗚呼合葬豈非古

答香海送別

銅陵繡谷高千尺盱汝中連一水碧杜蘅兩地各懷芳鷗鷺同情自相惜前生定有香火緣君爲我參文字禪前身定是松筠友我爲君傾離別酒五日看花同泛舟三日聽雨同登樓人言二子是狂客我覺此來眞快遊有時把劍論俠烈赫

赫炎天凜霜雪有時握麈談重元冉冉平地生雲煙目睫平生不自見被君呼作巖下電知君雙眼不易青我亦見心非見面梅霖已霽江風輕明日揚帆建業城玉蘭銀杏筵窗影且共前軒踏月明

莫愁湖上觀徐中山王像

城南草沒大功坊畱像盧家少婦堂賭墅風流追謝傅登壇勳業比齊王六朝殘局今同畢一代良弓獨善藏爲問凌煙圖畫好可如顏色照湖光

莫愁湖權歌

并序

李松雲太守

堯棟

重濬莫愁湖與諸詩人賦權歌懸之四

壁余既讀之遍乃亦作四章

莫愁湖裏開白蓮莫愁小像如花妍阿儂昨日采蓮去人道

莫愁來蕩船

湖水盈盈比鏡光
朝朝湖上理新妝
玉簪一股猶嫌重
爭用金釵十二行

河水東流湖不流
莫愁不愁儂欲愁
莫愁年紀如儂小
抱得生兒字阿侯

莫愁湖比秦淮寬
秦淮易乾湖不乾
歡去秦淮登岸去
儂船何處來迎歡

陳東浦方伯

奉茲

招飲瞻園卽席賦呈

一望清涼極
名園翠百重
沼添三伏雨
雲染六朝松
竹影鋪簾厚
荷香入扇濃
蔣山還勸客
消得酒千鍾

過江至金陵絕句十四首

帶甲臨江阻怒濤
可憐一水限孫曹
子桓若是驪比爭怕

東吳鐵鎖牢

江左風流晉太元殘碁一局破符堅佛狸飲馬歸何幸聽唱
符鳩當亂旋

一片黃天古戰場奇功百代數斬王夫人親打軍中鼓蓋紫
秦家泛海航

紫蓋黃旗氣易消青絲白馬應童謠空勞史筆分優劣起落
都如赤岸潮

江流狹處是龍潭句曲當眉滴翠嵐貞白松風猶自響吹來
仙氣滿江南

星繁月黑近津亭水寺遙鐘隔岸聽鼓吹山中藤竹笛可能
吹得老蛟醒

客居桃葉渡西頭不見秦淮廿四樓問道青溪明月夜小姑

亦自理筵篔

青山無數未知名山下煙蕪一掌平
往日帝都今郡縣將軍
閒領駐防兵

烏衣燕子一雙雙帶得斜陽上
客窗今夜夢中歸較近南行
不用渡長江

長干古道綠楊灣飛去楊花酒肆閒
孫楚樓邊人獨飲夕陽
紅遍六朝山

幾人搖筆感興亡漫許劉郎獨擅場
水是琉璃天卯色鬼才
先有沈青箱

迷樓辱井渾相似玉樹垂楊兩可憐
一例陳隋亡國易莫將
形勝論山川

遺宮故苑列城隍畧似咸陽與洛陽
至竟偏安輸正統新亭

風景早淒涼

豈有華裝照眼明一琴雙劍此書生
水西門卒臨河坐不放
輕舟亂出城

京口飲王夢樓太守快雨堂出家伎歌以送酒

一種曲阿酒渾如古墨蒼江魚肥勝肉園果脆含霜扇影飄
輕袖簾波蕩暝簀清詩愧裴迪難賦輞川莊

病中見惠山

小艇輕風颺藥煙片帆斜貼惠山邊
相如病渴經三日欲飲
人間弟二泉

西湖德生庵病起小步二首

僧寮寂歷傍孤山偷看湖光一啓關
不怕荷風吹病骨水雲
雖冷是人間

偶趁黃昏上白隄山雲遙在夕陽西垂楊映水幾千樹樹樹
流鶯都懶啼

久病新愈將發杭州時三十初度憶事愴懷成八十

韻

白日忙於我青春棄若仇此身齊萬物何事足千秋進退嗟
狼狽行藏看斗牛華年三十滿壯志九分休在昔遭孤露於
時負百憂童心入世減冷淚避親流父執山公在謂族叔松巖先生

師門魏照收六經傳舊業百行愧前修遠竊鄉邦譽常驚歲
月迢摛辭孤不律樹績遜兇整義路惟雕虎儒冠乃沐猴營
營防鬼笑落落被山囚所事多顛倒其言頗謬悠人誇爲曲
逆自分比黔婁司命來知已謂曹進齋陳青柯翁覃溪諸先生掄才擬拔尤

敗皮歸藥籠曲木備梁輶撫劍方舒嘯擔囊遂遠遊山川雄

到眼雲海倦回頭輦下羅羣彥車前擁八騶

皇猷爭黼黻物望各弼彪雁堦聲華遠龍門影質稠瓶罍隨
本量丹赤恃明眸料理麒麟策經營鷓鴣裘層霄疑可攬片
石儻蒙搜吞印祥無驗牽絲命不猶槐花黃又落桂樹綠相
樛太學春徒賃中書刺嬾投錦坊頰改樣戲局總輪籌積雪
穿晨履殘星炯夜籌幾回辭燕幕五度易蚊幃猿臂輕難肋
韶顏恥宿痛幸非虵穴蠚敢羨鳳池鳩忽忽成樗散茫茫歎
梗浮軒裳稀舊識屠釣寡新儔客久妻孥怪途窮僕御羞迴
腸鳴軛軛短髮散彭彭屢憶投書浦狂歌賣酒樓緇塵欺足
弱碧草使心柔念古沈冥者甘茲刺促不元瑜指飛鳥康樂
感潛虬故國吳天外吾廬汝水隈扮榆凋里社瓜芋失先疇
蘇季空蓬篲馮驩但蒯緤不官寧用隱將母詎無求齊魯郊

憑軾黃淮岸泊舟微名慙匹士長揖見諸侯今世羅昭諫平
生馬少游江湖緣未了穀帛惠難酬火繖擎寥廓風輪扇鬱
攸衝炎離建業帶病入杭州臥盼仙居山名卽武林山近僑樓佛寺
幽羈魂飄野馬亂夢逐浮漚歸路餘千里他鄉借一抔將消
塵土劫始悔稻粱謀豎子殃仍淺倉公術乃優寓形原委蛻
決疢復懸疣窗破憑風剪簾垂待月鉤藥煙騰煉炭茶味變
腥甌元氣存如髮天機息以喉瘦輸仙客鶴閒忤舍人鷗靜
繹尊生旨追諭致疾由魚傷因蓄樹馬因爲踰溝汗每淫淫
出思還乙乙抽甘泉恒竭井烈焰易銷油問渡瞻河鵠時近七夕
聞潮怖海鱗砌苔荒弔影堤柳淡縈愁舊恨鵲呼謝前生蝶
是周乾坤悲蟋蟀且暮怵蜉蝣地主勞旌旆謂謝靈運家書託山方伯家書託
置郵有身雖大患未死且長謳得失蝸雙角賢愚貉一邱達

觀何所滯狂癖轉難瘳綠壑盟須踐紅泉句早畱假田種
杭自依墓守松楸秀或雲林金鑑采飢宜石廩在臨川東調蓼蟲忘
吐納桑鳥任啁啾埽逕邀求仲開園候子猷良辰情共適斷
簡手重讐去止隨丸轉紛紜信筆勾不煩張鼓吹送上虎頭
洲

過六橋遇雨

半湖山雨自西來天放南屏一面開暫倚第三橋柱望不知
雲霧是樓臺

錢唐江遇潮時七月初六日

病夫飽飲西湖綠秋日買船曲江曲舟人怪我上船遲報道
天邊晚潮速初聞快意逢奇觀猶恐潮來未及看船頭拍手
望龕楮海色與雲同淼漫斜日射篷雙槳急江光未破閒鷗

立六和埕勢忽飛搖潮氣如風早噓吸須臾似覺船昇空一
跌又墮深崖中冥濛上濺金銀闕回薄下簸蛟鼉宮奔雷噴
雪爭堪比瞬息東來三萬里全力將掀地軸翻餘波尚蹴風
輪起人言子胥神所爲忠憤未平或有之重溟不洗屬鏤血
萬劫自泛鴟夷皮盈消晦朔期朝暮潮不欺人人自誤孤艇
才離柳浦城前船已纜桐洲樹鶯啣錯愕怗女號余亦氣怯
難復豪若騎奔馬失鞿勒若遇勅敵無弓刀韞難幸免三彭
厲出沒波濤復得濟豈是哀唵感鬼神合將恭敬酬天地此
身無分作魚龍焉識扶桑更有東潮爲誰來爲誰去月中把
酒問鴻濛

衢州枯樹歌

并序

相傳明太祖避兵樟樹上追騎皆迷定鼎後封樹爲將軍

余庚戌過之作樟樹將軍歌今聞舟子言明祖實誤封其
旁樹本樹尋枯死事之有無不足辨果爾則冤矣故復爲
之歌

昔爲樟樹將軍歌今爲枯樹喚奈何
飄風動日鎖雲霧曾是
明祖避兵處嗚呼枯樹眞將軍
功高不賞賞其鄰鄰樹煙雨
迷天綠枯樹鬼神抱根哭枯樹
雖枯心不平我爲枯樹平其
情君不見五鹿之野虵割股冷
煙低拂絲上土方城縣尹勢
分卑功歸介弟子圍飛將百戰
勿沙漠庸庸校尉皆侯爵
盧縮無功乃王燕不聞紀信盟
河山功成身死世莫識走狗
良弓同歎息爛羊頭作關內侯
曲突徙薪無恩澤同時亦有
誠意伯早獻金華十八策鴟媒
入室無人知小犢僨轅作相
國功名顯晦非人爲草木承恩
亦有時君不見吳越一王駟

馬歸石鏡山頭挂錦衣

題玉山旅次樓壁

病後情懷黯似秋，秋風秋雨怕登樓。
山拖雲影遮檐角，灘送雷聲上枕頭。
客路才交江右界，歸心早逐水西流。
玉山河水西流

杯冷酒慙慙，飲消得頻年幾許愁。

到家復病遂不赴舉病愈書懷

底事金門五六年，到家倚醉問青天。
昔時偶有幽燕氣，今日重絳竹石緣。
打疊騷心貧士裏，禁持病骨老親前。
月明風起休惆悵，往日黃昏更可憐。

進賢道中

鶴嶺鸞岡客路長，桑輪蓬篚又他鄉。
秋山那得紅如許，半是楓林半夕陽。

九月十七日同蔣瀉船孝廉

知讓

吳蘭雪夜坐藏園

池上作

仙人醉而嘯驚醒人間花芙蓉開木末黯淡如殘霞石磴倚
芳沼夜坐青蓮家空露暗中下涼意生窗紗仰首見明月俯
首同歎嗟二君悲人琴

薄船之兄湘雪蘭雪之兄茗香殯於園側

余亦念天涯

余

弟俱遠客沈沈秋漏短啞啞啼棲鴉

易研歌戲呈陳季馴孝廉

林本

季馴有易研齋藏研

甚富率以一詩易一研

區區樂生抱奔願欲以一詩易兩研主人笑我貪且癡射落
雙雕費一箭樂生不愧原有辭事不破格終不奇君不見金
貂有時換斗酒白鵝可以當名姬君研倚壘如山壤我詩又
君所擊賞璧十五城雖不敵碑九千絹仍非枉亟須爲我開

硯樓

季馴有十二硯樓藏硯之最良者

使我親瞻卽墨侯左袖金城右玉海

會看璧友俱點頭攜歸便築紫方館日磨升墨蘸雙管磨蝨噴水雲生花屋柿庭蕉盡題滿君不見琴之韻磬與響泉君不見劍之太阿與龍淵從來寶物必有偶况乃翰墨千秋緣晴曦透窗月上几兩硯對坐爲兄弟爐香繚繞瓶花媚兩研同眠作伉儷鸚眼馬肝清且溫我將富敵劉後邨寶晉兩山猶換卻君寧貧於米海鬱更截琳腴堆紫青我當爲君修研經一詩兩研日相易我腸肯枯研豈惜不妨割盡羶羊石輸我齋中作牆壁此例特從樂生始亦自樂生一人止寄語諸公休效尤鳳毛麟角終無幾

題吳白庵學博石湖課畊圖

震澤餘波爲石湖楞伽貼水青模餽石湖詩老舊所居農圃

一堂今已蕪吳生偶爾遊姑蘇亟呼畫史爲追摹買田買宅
錢雖無自謂此湖當屬吾昨見曾侯漁隱圖擬向西溪稱釣
徒今見吳生課畊卷願爲識字耕田夫兩水不在豫章境越
西雲氣連東吳丈夫習懷無畛域直以天地爲蓮廬不見任
公子蹲釣東海魚不見老萊子委畚蒙山隅一邱一壑旣不
殊大隱小隱皆自如古人不笑愚溪愚今人莫歎孤山孤扁
舟可以尋陶朱笠澤且著農家書我無負郭田一區亦思學
稼躬犁鋤他日與君爲比閭折柬并約西溪漁時時來往相
歡娛

章門寓齋畱楊少晦學博丈

識

蔣秋竹孝廉

知節 瀟

船白庵蘭雪魯習之孝廉

前光

小飲

一勺東湖對酒清六年重到灌嬰城黃花瘦露凌霜骨紅葉

愁添聽雨情野水鷺鷥閒作伴寥天鴻雁過無聲往時都向
長安笑忘卻鄉關有月明

送秋竹赴楚南軍幕

我輩壯遊當數君昔曾出塞今從軍回鞭笑指遼海月橐箭
往射蠻溪雲灑辰兩載烽煙警獠奴飛頭遍山嶺出師早報
羣賊驚轉戰亦聞諸將猛君去長揖軍門前軍中擊鼓張華
筵盾鼻俄飛羽檄出旄頭定墮牙旗邊楚山青落沅湘好一
路奇情寄香草三千劍客靡詞鋒十萬弓衣繡詩稿霜風肅
肅捲征袍送君上馬心亦豪投筆看取封侯印借錢欲買興
國刀君歸倘有南征記我當從中采奇異笛曲饒歌寓土風
他時畧補苗疆志

漢鏡歌弔馬生抱和并序

鏡背銘辭云尚方作竟真大好上有仙人不知老渴飲玉
泉飢食爽朱竹垞爲鍾欵立作跋者卽此鏡也近爲吳縣
馬生抱和所得馬生死其師吳白庵出所搨鏡銘爲索詩
將以寄馬生之友

東吳馬生好古士古物斑斕充篋筍長安片月最珍藏上有
漢時尚方字遠慕蓬萊不老仙飲泉食棗三千年何意昆明
劫灰出化身忽入洪爐煙應知此鏡武皇鑄甲帳珠簾起雲
霧青鳥來窺七夕燈銅仙正浴三霄露海邊旣罷候神官鏡
隨金盃出入間照影可憐尚光采幾人對此渴朱顏壽光先
生爲誰壽一朝更入王度手玉水雖瀉舞鳳銘銅花已蝕盤
龍紐馬生慕草青復青壁挂珊瑚門久腐秋風淅淅吹檐鈴
疑有精魂來照形長生久視原虛語自古神仙任何許仲淹

終惜董常亡極目吳雲淚如雨

吳娃飯牛圖爲白庵題五首

吳郎一袍青似草吳娃兩足白於霜料應識字康成婢不遣
烏犍亂觸牆

家家游女繡弓鞋掩衿衣裙獨剪裁驅犢不穿紅錦韞恐人
疑是踏青來

綠竹鞭梢白木闌山花常豔野田黃
山娘紅豆調鸚鵡不及
農看黑牡丹

隔岸桃花紅不紅亂鴉飛傍酒旗風笛聲散在斜陽外遙看
春山下牧童

細草柔莎逸屋生一年天雨復天晴飛霜墮月長安道多少
征人秣馬行

題琴嘯圖

溼雲浸徹七條玉桐君無語臥濃綠須臾響泉流石牀彈醒
滿山青鳳皇仙人騎龍下瑤闕玉女凌煙玉簫歇涼透華鞋
珠露背不知何處生明月罷絃拂袖風泠泠逸響嗶然沖紫
冥嵇老阮生呼不起愁心迷茫化秋水

同白庵蘭雪夜話

秋花令人瘦秋月令人愁秋風終夜鳴秋士語不休二君少
傲儻意氣塞九州驅車向京國長揖交王侯何曾計毀譽况
復論恩讐懷珠聊自媚飾櫝將安求狂名竟遠達壯歲俱倦
遊寶劍不躍冶虛船容觸舟苟能洞此義萬事無成謀

書姑蘇女士金纖纖瘦吟樓遺集後二首

不是多才不解愁西風吹夢墮妝樓青鸞背上海詩去曾遇

騎鯨李白不

神仙歸去恐無家終作人間萼綠華料得詩魂癡未醒月明
彈淚賦梅花

題李青崖錫石上談經圖

我欲成佛不作僧我思逃禪不誦經優婆闍黎本幻相文字
語言非性靈山陰居士聲聞覺現身自寫僧伽形寒山拾得
是菩薩無著天親爲弟兄共參華嚴真實義將割世間憂愛
情絕無沾滯無束縛定可走出煩惱城乃知居士善知識聊
以空色還丹青石匣前身舌未壞風鈴入耳心不鳴身坐片
石浮滄溟梵音靜遏怒潮聲衆生墮海同浮萍慈航呼渡無
人聽我亦未辦鉢與瓶眼看花雨空迷真不惜生天後孟顛
但求飲酒招淵明身可長醉心長醒

白庵出示閨中所畫蘭竹扇面并絕句四首索和爲賦長句

荆棘閨中畫蘭竹襟懷如此吳生獨幽花傲節占中秋頓使
叢桂無芳馥吳生清狂世所驚談笑常作洪鐘聲如意打跌
唾壺口有時亦肯求科名十戰文場皆不利科名一事終遊
戲矮屋壓頭頭不低反增吸露凌雲氣明遠樓角風鳴鈴美
人青士來杳冥恍然縱筆追神采秋霧有香秋月青新詩四
首語尤健并寫銀光指疊扇蕊勝無花籬菊開禿豪又蘸紅
絲硯華燈如鏡列瑤席燕尾龍鱗滿齋壁夜半揮杯聽我歌
此時豪氣更無敵君知我亦摧殞人得失兩忘差似君會須
日費三升墨同灑西山嶺上雲

谷園傳經圖爲曾習之同年題

吾師寸衷羅百氏

謂翁單溪先生

旣御布帛亦紈綺吾友壹志專窮

經不先枝葉後根柢吾年十六始受學掘井爲山憚謀始膏

腴最嗜三百篇淵海猶迷一萬里四始六義道何尊五言七

字波仍靡詠歌訓故豈殊途經術文章乃分峙雖逢哲匠同

見收徒作詞人固可恥君家兄弟竝英特吾黨才賢少倫比

輔嗣注易嗟早亡

謂習之兄可之也

靈恩說禮追前軌風雨遙情寄

畫圖江河舊路通源委高文又分籍湜坐茂氣欲陷匡劉蠱

山木先生老斲輪

習之

製作如君能繼美不辭皓首窺陳編

自悔青春逐流水此詩還擬質蘇齋目斷燕山暮雲起

蘭雪送芋魁兼示五言古詩次韻荅謝

比年畱北平旅食鄉心動黃獨嗟無苗蹲鴟復誰送朱門梁
肉豐嗜味勉從衆園官致菜把羹挾時一用南中此物宜處

處連畦種土脈盡疎賦川原足灌壅君鄉產尤良

撫州芋以東鄉爲最

可預土物貢野人收饑饉八口饗殮共甘比膠牙餠賦同益
智粽百枚荷兒餉豈託文無諷歸當調糝羹試酒消雲甕更
擬尋懶澆煨燼寒凍

題白庵蒔菜圖

畫白庵荷寫嘴鋤共
姬人簪雲攜菜籃

小園春色滿畦煙寒食初過穀雨前儂挈竹籃君荷鋪菜花
黃到黃真邊

十月二十五日雨中東白庵

君爲蒔菜翁我作種花人

余近有種花
圖白庵題句

旅居歲晏各無事微

雨淒淒空掩門君病不飲酒我愁還賦詩詩成待君和酒戒
應難持不及提壺就君坐卻遭俗士邀相過歸來定溼羔羊
裘便引重衾蓋頭臥

夜歸寓齋白庵和詩適至疊韻再柬

薄醉不稱意揮杯辭衆人正欲呼君同快飲一僮持緘先到
門墨雨兩淋漓乃君相和詩讀之發狂興筆管成倒持知君
尚對妻孥坐沒屐深泥難夜過巷南巷北卽天涯挂壁一燈
照橫臥

白庵和詩復至再疊前韻荅之

標韻有如此疑非人間人霖雨兼旬計亦得料無俗士來叩
門雖慙幼婦詞且賺謫仙詩詩成雨益急欲報無人持小奚
衣薄忍寒坐銜卒呵人夜淡過會待天明送似君筆公已向
筆牀臥

枕上三疊前韻兼柬蕩船蘭雪習之

詩筒門雨發可惜僅兩人此間尚有數君子此時各掩著書

門平生有酒時輒讀雞鳴詩殘菊況可賞蟹螯宜共持聽雨

齋

白庵齋名中感獨坐夢花樓

余樓名

下復誰過同心安得無離居

風雨年年對林臥

客道季馴兩小視其柑形者稍佳白庵卽懷去其一

作蕉葉形石甚劣余姑取之季馴仍索一詩以易戲

成短句

客自端溪來遣君雙硯池棄置若瓦礫我憐而收之君意卻
復吝仍須酬以詩姑從趙璧約無患魯鼎欺柑硯稍蒼潤佛
手伸躡枝形模尚新巧欲攬動已遲蕉硯小於掌骨頑微有
肌研材斯爲下得失兩不怡所念費寸牋亦非瓊瑤詞操觚
不見誦亭帚將何爲旅館九秋盡西風搖翠旗蕭疎幾葉
灑翠帶淋漓澄泥倘許贖吟管當再持

季馴有澄泥硯片
珍惜故以語恐之

題新城女士魯敬莊墨雲軒詩稿後

麻姑山角黛雲低，簫曲峯頭好鳥啼。
橋畔桃花草根蝶，晚唐

佳句出深閨。

集中挑花紅到竹橋邊
草根蝴蝶冷二句最佳

戲從蘭雪乞水精印材

爛醉歸來衣帶鬆，懷中墮卻紅芙蓉。

蘭雪昨貽芙蓉石
一枚醉後失之閒君

更富堂庭玉大小，倚壘光玲瓏。
乞我書齋照几案，不徒摩挲
作奇翫。會尋佳手篆，姓名鐫以回。
紇金剛鑽，麝賓杯在誰緘。
藏薑家盤碎飛瑤光，珊瑚易腐琉璃脆。
爭及文字垂琳瑯，君
文價重連城壁。我愧鏤冰苦無益，願隨詩客探驪珠。
不作愚人寶燕石。

龔辛農少府招同白庵遊湖心觀音寺二首

湖波四面繞花宮，面面垂楊面面風。
一陣酒香何處得小船。

搖出鼓樓東

沿湖晒網是漁家寒月如鉤挂斷霞人影墮天天臥水水中
所欠只荷花

次韻陳石士明經

用光見贈之作

脂車未及發零雨天濛濛君爲宛邱行邂逅聯孤蹤比我謫
仙人爲我開墉宮瑤華秀玉砌欲往無路通浩浩罡風冷九
垓安可窮願學餐玉法騰鸞騎茆龍流光疾奔馬綠髮將頭
童濃花被春露枯樹搖寒風四時相循環萬古無始終分途
各自勉千里同漢衷

送石士之陳州次韻別韻

陳生英鋒不可敵連日投余詩兩篇欸如對酒出雙劍光掣
高空流四筵劃破農雲落下土長虹五色沈航船正拈禿筆

寫離思見此欲袒吟詩肩夜涼一醉奇氣湧振袂起舞衣仙
仙芒角森然不可遏徑持寸鐵當龍泉寒馬蕭蕭北風響酌
別不待梅花妍何當痛飲歌花前盡收花氣歸豪顛詩成各
寫雙魚箋後會冰蟾知幾圓

故明總兵官秦夫人良玉錦袍歌

并序

夫人元孫馬少白山人自石砭徙居南昌余與白庵蕩船
同訪之垂老而貧然竹屋黃花甚有幽雅問以夫人舊事
乃言明史頗得其實而深恨毛西河經司合志之誣遂出
明思陵誥勅詩翰及所遺錦袍初示袍藍色金繡余試被
之長及踵於是蕩船擬圖其像相約賦詩爲作此歌

畫像未見三孃子錦袍今識秦將軍當年血汗透金甲博此
五色盤身雲名登彤史復青史孃子孤軍白桿子手揮黃虎

如犬羊中咽英雄有如此全家義旅昔勤王廿年空騰梨花
槍奪纛燒船勢益振惜哉誤國由冠裳督師驅賊保鄉土開
府無謀守門戶桃花馬上慟哭歸錦城已破難重補全蜀無
處無弓刀彈丸石砧如鐵牢白首煢煢作遺老牙旗插地邊
雲高錦袍賜感君恩重錦車錦繖同榮寵袍上斑斕繡女龍
至今鱗爪驚飛動鳳皇山畔空遺祠笙咽壺盧悲復悲巴女
漫歌樂神曲木蘭自有從軍詩子孫近徙南昌住名將家風
變儒素私祭惟陳先代衣徽靈萬里應來附四海百年消戰
塵貴家瑜翟新復新馬上既無李小妹聞中寧有洗夫人

周載軒太史就官京師石士覲親陳州習之遊廬陵

余與萬雪旋里次第將發白庵滿船餞於臧園竝招

陽西平進士倫同飲分體賦詩志別

寒雨晴西山騎人半夙駕高歌大雅堂
離酒如泉澗膏枯良
獨高新盟復誰霸百年尊幾開一日紙
增價終傷會西窗坐
看流光卸空山風雪中獨對梅枝亞

次韻荅陳象門見寄之作

大地曾無養拙鄉還家頓減少年狂
貧交喜共青山在舊夢
仍隨碧水長失路生涯餘濁酒過門
歌曲感迷陽篋中政有
懷人句不待梅花寄草堂

歲暮奉懷覃溪先生二首

帝里春回踏青節待公三日與公別
公時落職謝

恩歸講藝論心久不輟自言白首需
次閉補校陳編趁歲月
夜來飛夢到蘇齋門外曉鷓噪殘雪

文人能事無不兼只有天人蘇子瞻
小儒拜倒額流汗不敢

仰面看鬚髯退乃生慙肆嘲謗莫邪爲鈍鉛刀鋤衆煦漂山
恩不易峩嶠萬古雷青尖

寄白香三首

怪君問道早鄉里未深識逃名來訕譏爭辨愧無力幸保邱
壑後嘯歌廢不得閉門造飛車安問轍南北

臨行徵至交獨送都門外一語眞愴心別離亦難再萬物如
泥丸搓按隨大塊爾我明佛旨圓道得自在

秋後兩書來淒涼訴羈旅亦知窮愁意舍我難共語布衣老
金門盛世或不許野鶴棲林臬臨風惜毛羽

謝白庵寄冬菌齋魚武夷茶

丁頭闔地菌石首洋山蒸笏蕨讓肥鮮羔豚輪鴛爽白豪建
州茶風味更無兩綠飛瑤席塵清敵金莖沆何人持貺君使

我得同享口腹雖細事用情特淡廣齒是嚴冬采蕪當盛夏
網茶摘穀雨前春芽茁未長四時氣畧備寄意尤耐想山中
歲行暮大雪灑鶴驚園挑雲維蔬山拾少陵糞嘉惠忽見願
有同飢獲饌老母開心顏舉家快喉噪所愧拒汝情厚來乃
薄往余以食物吝之聞君遊梅巖白鹿近無條干枝官載酒欲過訪書來還見
招新句待相賞桃李孕春風我懷正曠蕩會踐雞黍言餘干
況接壤

青芝山館詩集卷第六

臨川 樂鈞 元淑

古今體詩

嘉慶丙辰

立春五日梅尚未花詩以催之

山氣化雲冰化水春至人間五日矣草痕青到溪橋邊玉人
抱香寒未起都市五年時一見快若天涯遇知己客土瓷盆
春不舒意態往往遜桃李江南地暝多好風春信來自霜雪
中天公經營亦慘淡創格不與羣芳同每歲花時傍花立樹
身斑駁花微溼出手細揀青蚪枝不知寒氣迎袖入道逢野
曳騎驢行一笑不復道姓名恐是襄陽孟夫子我亦和靖林
先生風懷如此百年好舊眼看春苦不早昨夜狂飈捲地來

坐恐春光一日老對酒不飲豈花惱野人情懷欲枯槁

題桃樹

舊種桃樹長於人聞說花開三度春紅英自係綠葉底不逐
逝水隨遊塵今年底事甘遲暮小徑疎籬風復雨東鄰紅杏
嫁西家愁煞青梅樹下女

山中雜興十首

兒童逐燕子燕子飛上簷呢喃若訴語主人姑勿厭來巢君
家堂日月非久淹風高羽翼弱春雨方廉纖朱樓畫棖棟亦
有汗泥濼艱難傍門戶相拒何太嚴物情貴有託人事誰能
占歎息語兒童爲彼開垂簾萬類無常住澆梁何所嫌
凌晨采園蔬終朝不盈掬菜甲方離披菜心恐傷觸初春陰
氣凝地骨凍如築煙畦半黃萎時雨不能沃貧人乏肥膏賴

此佐餠粥會同坡老言謂是幽人祿天意憐百卉分恩到野
藪經旬風露和鴨掌忽復綠黃蕃壓滿瓊酒資亦已足

日月不自急晝夜何勞勞辛勤照八埏附託良獨高下視
耀行隨意穿林泉腐草本微氣光焰如豪毛禹稷憂天下沮
溺身可逃躬耕自作苦不受華袞褒旬時或不出閉戶對松
醪

桃李落將盡海棠亦已紅小園幾品花盛衰頃刻中放眼觀
氣化其故無人窮三王道循環萬物何始終我慕漆園吏物
化遊鴻濛雨露繼霜雪語冰非夏蟲

槁梧作琴瑟其聲通鬼神枯竹繫柔絲能釣滄海鱗棄擲在
山澤樵人拾爲薪灰滅何足道恥與荆榛倫伯夷與顏淵依
附著賢仁沒世名不顯萬古同酸辛

黃竹生野林，纂纂結芳子。鳳皇期不來，憔悴連根死。野老編
篋籬，雞豚日徙倚。其旁有長松，昏鴉叫不已。孤鶴何處飛，或
在雞羣裏。相需不相遇，日暮悲風起。

駕言訪親戚，細雨還歸來。經春會幾時，山花都已開。氣候雖
云早，蕪絕同蒿萊。伊昔巢居子，亦抱非常才。孤芳幸自保，誰
知心所胎。光輝照後世，榮盛翻無涯。何爲天下士，必上黃金
臺。

杜鵑有秋氣，紅意令人愁。望帝銜何冤，啼血青山頭。上有女
貞樹，下有陳人邱。化此斷腸色，羣鳥爲啁啾。舊冢花已稀，新
阡花復稠。世次相代謝，萬古悲明幽。三歎下廣野，芳草青油
油。

鵲雛學母飛，羽毛未豐備。野闊蒼天高，倉皇墜平地。不遭颺

狸攫定恐螻螿噬我見攜之歸雌雄覓雛至鳴噪飛遠簷慘
惻傷人意放雛隨爾還弱翎恐復墜暫置雕籠中使養凌風
翅雛食人未諳且夕爾來飮終當歸爾雛全爾天倫誼

黃昏共尊酒老母兼山妻阿母勝三爵阿婦常一卮餘酒獨
斟酌沃口澆心脾縱橫出芒角發言狂且癡天地本骨肉孔
孟同須眉母妻或哂笑雖笑心不疑外人殊未聞終古無是
非丈夫具七尺不爲蜉蝣悲生存聊自愛萬事忍棄遺一醉
完天真庶免前人嗤

溪上

十里開明鏡春溪似若耶岸容隨綠轉橋影蕩虹斜浣女團
飛絮漁童網落花鷺鷗閒散極時入醉侯家

荅家固坪廣文彌勒州見寄四首

臺上黃金貴風塵兩樂生同時遊太學異地訂宗盟買酒春
逢市聽鐘夜隔城猶勞擲斑管萬里話生平

舊社枌榆古遺祠檜柏凋齏鹽登俎豆拜奠雜漁樵氏族今
方替馨香漸欲祧多君尊祖意修祀玉津橋

家乘遺支派同宗宋職方明珠光自遠慈竹蔭何長十世分
華胄千秋念故鄉它時官楚尾尋墓我能詳

花笑長安陌懷親往歲歸子由聊待選臣朔每愁飢遙憶青
瓊在仍知綠髮稀滇山春樹遠孤夢繞天飛

奉寄訥齋主人

母老難爲客家貧愧受恩私心同草木野性適郊原舊友蓬
蒿徑鄰人芋栗園歲時聊過從無路侍高軒

寄贈蔣師退

歸退英雄姿文字亦魁傑魯陽干丈戈搥搦作寸鐵汜濫及
談詞江河水橫決君爲名父子筆舌得兩絕相逢酒家樓片
語爲心折同氣無薰蕕共室屏茅莖聚散苦飄蕭窮冬轉芳
節居仁詩派圖姓名日月揭因緣在千秋旦暮非所屑浩浩
章貢波長鯨庶可掣跋浪搖滄溟一障尾閭洩

春夜有懷白庵因訓舊冬見贈詩意

感君持贈詩相賞在真璞自知非璠璣何敢更雕琢君才殊
縱橫亦自守羈絡吁嗟輕薄兒折足萎溝壑風雨滿江城題
襟和寒柝君庖待我餐我酒共君酌別來冬復春清月映山
郭夢裏摘蒼耳此情君未覺

寄題法時帆祭酒

式善詩龕

開戶納野綠斷雲清曉飛遠懷霄漢客早富瓊琚詞秋空酌

松露春澗凌風漪英流競欸關吟侶時披帷淨埽十笏地遠
羅千篇詩音響笙磬合光精雷電迷自從騷雅降風尚日以
移爭琶亂琴瑟組織忘縞緜陋儒妄依託私意相誇推塵襟
不少滌仙品安可希吁嗟滄海流茲事無是非先生總眾製
豈與世俗期名談契宗旨妙締通禪機摩尼有寶珠法界常
光輝應識明鏡偈能傳金縷衣

懷魯習之同年

諸子聚豫章習之最淡靜言語如朱絃希聲我能聽任筆時
爭稱廣談每自病諷吟非所耽頗復見情性殘菊羅荒齋羣
賢競觴詠贈我五字詩相推愧難稱一月三四過歐語漏常
竟自君遊廬陵余亦返蓬逕紛華離目前道義戰羨勝靜者
意有餘習懷自印證月明松竹間往往悟佳境

竹影

滿地雲皆活羣龍夢未醒
湘娥魂魄在彈淚溼空庭

卽事

吾聞鄉邨老農語前九宜風後九雨
今前九雨後九風稻花落盡風雨中
身不躬耕每望歲歲豐人樂米不貴
得錢買秫多於秔呼取鄰翁松下醉

寄李竹雲孝廉譚子受上舍京師

草長鶯啼音信稀煙蘿苔翠滿山扉
醉看日月跳丸過夢繞關河失路歸
作客應劉方接席論交嵇呂記牽衣
此身似鶴閒兼懶不與鸞皇接翅飛

郊行

稻田瀟瀟響翻車微雨初乾日未斜
沿岸綠雲水楊柳滿山

紅粉地茄花

竹醉日看竹

自憐昭畧生來瘦人道寬饒醒亦狂轉眼火雲燒大地試來相對飲浮梁

望雨

西窗徹夜重檐響北地連陰三伏涼頗添野客林塘興淨洗詩人冰雪腸故國今年轉旱熱長松弱草俱焦黃竹扇藤牀吾自可田家早稻未登場

自題畫竹便面

炎午無風坐掩扉試開摺疊手頻揮須臾身在瀟湘曲青鳳三千繞榻飛

寄熊夢庵太史

方受

三首

鷓鴣聲裏我懷南
柳絮桃花點客衫
看水看山忘路遠
梧桐落後始收帆

官衙清秘一條冰
日費題詩墨幾升
料得閉門無別事
高齋長夏雨如繩

溪山小住狎漁樵
壯志年來露電消
只有向平遊興在
金陵煙月廣陵潮

寄康龍山蘇州

蘇州風物較徐州
佳麗雄奇兩不侔
未識探梅過元墓
何如吹笛上黃樓
山川到處添詩料
裙屐同誰載酒遊
他日我來尋范蠡
煩君爲買五湖舟

聞謝蘊山方伯遷山右爲詩寄之

六橋煙水照離亭
三晉雲山待使星
曾許封倫爲上客
溪知

李勣是長城風承唐魏多勤儉詩與閭閻寫性情玉樹階前
應更長政閒好聽讀書聲

得蘭雪溪上晚行詩次韻卻寄

寄到險巖日正斜知君詩思在煙沙山邨面面溪流碧也踏
涼雲看蕩花

寄曾賓谷都轉四首

淮水清冷繞畫闌蜀岡鬼駭對旌竿湖山自合歸仙吏齋舍
依然似冷官樓下曾畱歐九住花開還共魏三看不知漢上
題禊處今日誰登李杜壇

積雪飛霜出海波東南財賦重鹽鹺金多最足徽風操地遠
猶能采咏歌閩浙姦民方欽趾荆湖猛士待包戈軍儲

國計兼裨益劉晏功名定不磨

別時珠雨躍江船回首隋隄水拍天建業千山迎客過新秋
片月到家圓養親尚賴陽城俸耽學空慙謝朓羶一臥林塘
忽經歲夢花樓外放青蓮

淮南米價近何如鄉里汙邪未滿車原草欲焦天不雨川流
已涸食無魚夜臨窗月搖枯筆曉傷檐花晒舊書寂寞山居
幽事少使君且莫羨樵漁

寄陳東浦方伯二首

聞公多揖客邗上趁潮來諸葛真名士希文自秀才官清花
映沼客至鶴眠苔兀兀今如醉瞻園酒一杯
楚尾稍傷旱田禾已漸登三農猶有望一士獨無能門逕餘
春草鄉鄰語夜燈江南財賦地米價可曾增

睡起口號

黃雲遍野暑風吹足穀翁家浴汗時贏得午窗清睡飽豆花
棚下賦新詩

寄白香京師

俯仰乾坤一草亭眼中誰是少微星西江民歲差無恙南服
干戈尚未寧歸客每懷燕草綠羈人莫憶楚山青世間豈有
金華石何處穿雲斲茯苓

一徑

一徑童時到迷冥不記年板橋低沒水石竇冷吹煙草路遮
愁蝶槐風曳斷蟬細看梧竹影猶出短牆邊

感秋

井樹歇啼螿庭煙冷石牀月當蘭夜寂天近竹春涼早睡憑
兒女孤吟雪肺腸平池看影處已斷菱荷香

惻惻行

惻惻復惻惻行行重行行昔行別長老今行隔幽明吾師族
叔父外舅王先生嗟乎兩先生皆有古人情門戶久衰冷百
事誰撐撐五年滯都市倚賴如堅城相繼忽徂謝而我還遠
征有若孤軍出守戰無援兵昔行尚有以今行復何名南荒
海氣溼鴻雁無過聲斗米縱可致欲寄嗟長程憂傷不可道
三日淚縱橫

將之潮州別內子三首

海天明鏡挂妝樓已動關山滿目愁香到木樨人又出今年
仍負故園秋

阿母仁慈須曲體癡兒頑惰要嚴教繡餘亦有消閒課紅寫
花枝綠寫梢

幾本殘書幾卷詩平生甘苦有君知
客中況味應無別大半磨丹吮墨時

過郡城留別蘭雪二首

東道君爲主南荒我獨行
海潮遊子淚江水故人情
瑜策齊年齒元劉次姓名半湖荷葉雨近暮作離聲

昌黎遊宦處觀察舊相知
地主能留客行人往賦詩嶺高鄉月暗灘逆去帆遲到日梅花發因君掬一枝

郡中諸子餞余於南湖寫南湖秋餞圖題長句爲別
一天珠雨濺南湖明日西風短櫂孤章貢水寒隨雁遠羅浮
山好隔雲無五峯殘月添離夢萬樹秋聲入畫圖
詩酒縱橫皆眼淚旁人休認是狂夫

剡草行

晴沙揚空日晴臨沙上停舟見野老肌消如腊骨如柴手柄
長鑿剗枯草試問野老何辛勤悽然向我訴懷抱水濱地狹
田土磽歲豐才得半年飽河水易漲仍易乾三年兩年苦旱
潦早禾已遭霖雨爛晚稼將逐秋陽槁僻壤偏灾官不知統
報收成十分蚤昨聞縣胥領官帖遍征租賦下鄉堡到門詞
喝雞犬驚官糧那能畧減少君看破屋餘半間風吹拉拉欲
傾倒亦無男女堪賣錢只有乞食白頭媪西家稚子如飢鼠
東鄰老父似凍鳥夜來聚語相酸辛生死誰能復自係終拌
一身聽吏捉縣卒賢明可訴禱凶荒如此宜見憐弗憐亦甘
受撈拷剗草且作燒畬計不死更望來歲好

章門逢洪介亭同年

占銓

卽送歸宜黃

秋風吹亂雲頃刻散無迹羣鳥相背飛同天各羽翼君昔同

壯遊竝轡金臺側先著祖述鞭會贈遶朝策一醉長安街燕
草已五碧手無揮日戈坐眺驚丸擲掉頭還故山勞歌唱不
息支線絳末周挂席指海脊仰見返哺鳥飛鳴各有適饗殮
誠可謀奔走敢自惜逢君章水頭暫瀉離懷積卻看君獨歸
酸淚灌胸臆故解如仙境暫到匪人力朋友如電光過眼不
可覓念君同郡居曾共幾晨夕須眉易著霜再見恐難識衫
色我尚青寒猶行覆席廣文雖閒冷羨君有官職奉親歡有
餘讀書計亦得遠勝遊蕩人風塵耗顏色蟋蟀鳴牆陰厥響
淒以激桂花雨金粟重九節復遍旗亭一尊酒痛飲莫遺滴
來朝君馬黃返照迎荒驛

題李青崖自畫懶牀

畫影是我影乃妙畫骨是我骨難肖李君善畫兼遠觀生前

自寫憫黷照億萬人間人誰見身後身蓋藏黃土萬古成
埃塵媼皇搏泥本游戲委蛻幾人到百歲荒荒白日沈向西
紅顏睹此應短氣營營汲汲何所求少壯已悞老不休黑風
夜折墳上樹子孫酣飲歌高樓請看李君此圖是何狀葫蘆
畫出總依樣朗然業鏡懸高空夜臺定現菩提相好畱清氣
還乾坤身非我身姑勿論悟徹莊生元妙旨仰天一笑倒金
尊

重九前二日示白庵二首

此身寒暄尚能謀收拾單衣換薄裘節近重陽猶小熟夜來
一雨變淡秋雲低欲礙高飛雁水冷難容獨住鷗自度時宜
推物理如何不飲致生愁

且喜君懷似我寬囊空不贖一錢看登牀每藉書爲枕脫帽

常教纔有冠碧草未霜隨地茁黃花畱蕊待天寒此時忍放
孤舟去更上秋江十八灘

桂林陳蕉雪孝廉

元燾

以其尊人松山觀察丈所刻

先子正公太平寰宇記見貽長句報謝

祖書新荷巨公刊北宋遺編快復完采摭本窮山海秘按讐
翻愧子孫難欲依膏火勤披讀忍付煙煤再斷殘王會一圖

增卷尾

詩刻

一統志表

大清

更知

聖代幅幘寬

別蕉雪

睽王閣下鯉魚風吹送浮雲向海東公子古懷開夜月行人
離夢轉秋蓬連朝雨氣侵窗冷前路灘聲過枕空高館卷簾
張別宴菊花黃處蓼花紅

和白庵重九餞別

往年分瓊醉重陽醞酒今澆越客裘秋氣已淡霜又白離情
無限日將黃正逢佳節與君別更有何人容我狂憑寫琅玕
三百紙隨時風雨夢江鄉

夜至豐城與客論獄中出劍事

斗間紫氣知何祥司空乃官雷孔章兩劍出獄成底用懸腰
幾日皆龍翔中台星墜武庫火恨不先剗羣凶腸知已既亾
脫身去縱爲神物無精芒延津干載沒秋水往日恩仇嗟兩
忘豐城縣令今何人獨客夜槩搖星光沙禽振翅作風響城
樹矗影如人長嗚呼時命從來有利有不利干莫豈曰非利
器不及鉛刀猶一試

臨江郡齋畱別邱東河太守

學劬

臨川樂生落拓士臨江太守欽崎人率爾試投袖中刺欣然
延作堂上賓姓字幾年夢亦憶須眉一見曾爲春池萍檻樹
趣如畫紙窗棐几清無塵彝鼎紛羅證學古衙齋寂靜知官
貧先生旣似隱淪客賤子亦忘羈旅臣評書看畫忽五日餐
風宿水嗟明晨卻分鶴料贈遊子且念烏私憐老親此意殷
勤世所僅雖云邂逅情彌申長劍陸離繡古匣浮埃蓬勃侵
破巾飲罷槎枒出肝肺詩成汗漫勞心神日月奔輪不少駐
雲霄振翮終何因此去浮蹤隔嶺海它時芳訊愁鴻鱗知君
將乞鑑湖曲待我來問桃源津

自清江至泰和舟行五首

閩阜山西古郡城蕭灘流水帶秋聲扁舟坐處無窗牖常倚
危檣看晚晴

玉笥山高玉澗深，峽江風猛起空林。
漢時梅福今應在三，二峯何處尋。

文江清帶吉陽灘，壘嶂員成碧玉環。
中有尖峯天下少，筆公昂首看千山。

吉水賢侯

彭秋潭大令

送綠醅赤泥封到吉州，開青原在眼無人

識，孤負山光落酒杯。

秋城縹緲隔微波，一抹朝煙是泰和。
昨夜斗間應有異仙楂，江上客星過。

漁子謠

吉江江水鳴濺濺，石崖側挂青蘿煙。
東家大屋西高廩，漁人長坐江裏船。
漁翁謂漁子爾，船頭我船尾。
船頭竹篙插淡水，船尾艣聲軋軋起。
漁弟謂漁兄爾，結網我施罾。
罾中得魚長

幾尺網中潑潑魚縱橫漁婦謂漁郎儂捩柁君鳴榔鳴榔捩
柁歸漁莊江上曬網迎斜陽笑指客船何太怵

惶恐灘

按邢凱垣齋通編以爲黃公灘東坡詩
改爲惶恐以對喜歡云今從坡作惶恐

大地浮一身何處不惶恐惶恐名此灘行人益異悚石脊剖
船腹沙稜割岸踵風威况怒號水勢愈洶湧帆飛鳥倉皇柁
轉山搖動佳期或可凌賁育乃失勇神明反寧靜意氣竟森
聳臨澗非泄泄涉險已種種任運成泛常鍊心到愚懵坡公
夢喜歡孤臣泣君寵文山歎丁零故國遭亂冗彼身等邱山
賤子猶蟻螻神鬼當遺忘生死曷輕重灘過酒先酣船平席
不踴短夢豁篙聲斜陽射窗孔

九月二十五日泊萬安縣之陽邨夜夢某友噩耗至
遂往哭之方欲撫棺爲風水撲舟而覺枕上率成一

詩他日問訊此友果何如也

自我歸臨川孤蹤隔人海夢魂時往還知君故健在今猶顛
江濱中夜恍行邁行邁作君鄰明明舊堂廨所事百不記所
記翻可怪爾僕跪我前遺書出來袋書辭報故人永言謝塵
壘倉皇登君堂縛帷掩空靄素琴挂壁間彈之聲已改輟轉
忽驚覺枕函響澎湃是時岩月昏大風撲石瀨拭目自然疑
淚瀼尚盈眦豈昔都門別挂劍成千載細思懷人情胡爲至
此憊殆因離邊久揣想到無賴或者趾離魔導神作狡獪人
生本虛舟飄泊聽大塊我輩學道人死生何帶芥自非牟尼
珠誰能永不壞縱橫存百年亦了紅塵債安見夢寐中溘逝
不爲快熊羆非功名鹿蝶有世界尚慙悲喜緣虛空反挂礙
情狀雖迷茫牽率爲親愛子駕何時還我舟尚靡屆前程風

浪惡揚舲復擊汰待君商此詩極目悵關塞

見古墓餘一石馬

珠月膏燈埋地下玉箱金盃出人間每勞賓客吹簫送浪說
神仙化鶴還魑魅尚愁逢赤郭髑髏誰許占青山君看石馬
生苔蘚亦是當年血淚斑

楊梅溪

曲曲楊梅溪濺濺白石瀨潏潏沙背高稜稜石齒快舟子爲
我言此地實險隘閣船船不行篙師力空憊居人居要津嗽
利張牙喙謂客勢已窮客役我能代或用健兒挽或換小舟
載其錢宜幾緡其傭宜幾輩數定不容減欲戒請姑待十年
不得進吞聲竟無奈吁嗟行路難衣袂入蠶蠶前年張太守
懲茲俗狡獪津吏時以聞榜治不少貸此曹毋敢然行人頗

利賴我來泛輕舸。鳧鷖木無礙。聞言尚蹙額。不啻身其害。因
歎官長賢無窮。享遺賚。是日秋嵐晴。矯首矚窗外。舟子復爲
言。形勢更殊怪。中偃銅盆洲。兩水啣不壞。萬頃甘蔗田。一色
迷青黛。東岸兩巨峯。師象屹相對。中闕庭與堂。門屏勢高大。
重疊山外山。峯巒盡鈎帶。灘石雖紛亂。俯首不敢背。郎君試
審視。我口難盡態。其上有廢坐。獨受萬山拜。前明一藩王。驕
盈逼黃蓋。於此藏祖骸。爾後期保艾。風雷立焚掘。枯飀委榛
穢。爾家高皇帝。乘龍制海內。一身雖至尊。先世死顛沛。誰擇
神鄉地。葬彼流亾句。空惑青烏言。天命固有在。二事皆足感。
作詩紀其概。

天柱灘

沙渚落峭帆。狂飈打船急。遙望天柱灘。亂石奮波立。峻嶒鬼

骨僵嗟呀鋸齒澀老蛟紛攫孳頑龍恣噓吸鐵鑊斷無貫鏹
階塌有級排塞如蠶叢木葉流不入此中通鳥道穿行類石
笈疑有水府神時時司闕翕盤旋久稍覓舟師力吏集湍溪
篙莫窮瀨淺柁難執豪釐期勿差坎窞盡宜習艱難出此區
客衣亦汗溼頓江灘十八斯灘最危岌順流聞更險快意袖
所蠶譬若奔馬蹶倉卒不及熱月黑風雨昏往往鬼哭泣聞
者宜寒心性命皆由拾奈何行路人往來終汲汲我來仍未
悟卽悟將何及僥倖心空慙安全天所給前山乃賀我遙遙
相拱揖

贛州鈔關

鬱孤臺下贛州關章貢雙流合一灣煙暝正飛城上雀日高
疑見嶺南山書生長物非奇貨津吏上船多怒顏亦是江西

形勝地允宜都府控甌蠻

贛州阻雨

贛州微雨忽三日客坐舟中如小年愁到十分酒不醉倦憑
孤枕夢難圓溼煙出竈直燠眼漏水泂篷時滴肩安得天晴
風更利布帆一隙隨飛鳶

過雩都縣

先君歲庚子假雩都校官小子侍左右時時聞感歎賓僚至
每拒往拜尤艱難愀然對文史餘物曾嬾看嗟余正愚幼無
計承親歡私心竊恐懼欲問先泐瀾是冬返閭里二豎竟構
患纏疾過一月大樹摧空山向疑親所苦茲始明其端嘗藥
悔已晚呼天終不還今來十七年孤舟溯鳴灘依稀記城郭
白堦搖河干仲冬木未落榕葉青團團寒陰正釀雨四望迷

言之自錄卷之二
三
峯巒舊齋但遙憶宿草經誰刪暫止乞一夢或見吾親顏舟
行不得泊痛淚淋心肝舟行莽何之往泊韓江灣距此尚千
里去家更漫漫吾母日倚閭計我程途艱知我過雩都悲涕
應潸潸

壺盧閣

邨名隸會昌

江上壺盧閣一竿懸一籠立此夫何爲云以懲盜攻此方昔
多盜橫行如奉公白晝不敢詰詰者殃禍叢告官官不理卽
理刑罰鬆邨民積憤怒鄉堡集豪雄盜至輒擒捉置籠投水
中仍懸籠示盜使盜先潛蹤鼠輩盡側目毋敢窺藩墉犬閒
臥明月門戶可不封行人亦受賜無賊掀船篷殺一而警百
刑書無此功吾郡盛擔匪

吾鄉無賴乞兒相聚行竊動數百
人各負囊囊轉徙邨郭名曰擔匪

剽竊殊洵洵鄉里僉謀議設策防其鋒初立都綱會

里中賢
豪長者

以時會識有盜共執之強鄰聯弱宗遇盜執送縣縣宰仍優歸之有司謂之都綱會
容案牘積山厚此曹何暇窮徒黨益狂肆邨落交撞衝慶弔索酒食待與賓朋同必先賂魁首否則來如蠶都綱雖未解虛名曾無庸此方何勇決良規眞足風或言盜非盜凍餒迫其躬宜憐不宜殺善化宜當從嗟哉迂闊見姑息徒養癰化之定何術先使衣食充無田可使耕無藝可爲工誰能斂財貨養此羣頑慵卽令飽且喫猶難保厥終惰遊古有罰況乃邪而凶縱姦賊良善於義未爲通剪蒿蘭蕙芳除莠禾苗豐剪除不及早滋蔓纏高松

夜中

夜中心自呼不已似聞春擣欲驚起冷淚暗流銀海冰枯睽細咽玉池水壯骨漸消豪氣衰牀頭孤劍鳴向誰頗聞海上

富仙藥欲訪葛令尋安期

江行雜詠四首

銅鐵攢筋瘦榕陰蓋水濱不須嫌惡木也可憩行人
野翠濃於竹芄芄盡蔗田夕陽斜到水豔殺小春天
黃竹勻新粉嬌如綠鳳皇笆籬編不盡好製女兒箱
蓼花紅未透低笑引閒情漁子憐寒影應來臥月明

十月初八日舟沈於會昌之東

石初觸船船欲透船再觸石船已漏舟中猶自張高帆竟欲
縱船與石鬥須臾洞泉湧船底倏忽滿船載流水船似石沈
沈到沙縱拽百帆飛不起幸哉水淺平船舷奴子擎箱救行
李衣裳未溼書未濡適有天幸乃如此寧都米船緩緩來呼
與千錢求拯災遂棄東船上西舫若出苦獄登春臺嗟乎小

人泄泄固足歎我之來此胡爲哉反哺十年苦奔走幾粒粟
入慈母口穿雲蹈海誠艱難強如折腰事五斗出險不悔仍
不慙但恐親憂屢回首廿五里至會昌縣壓驚擬買黃花酒

會昌陸行至梅州口號三首

無楫無梁要渡河板橋如棧水翻波郎今不渡終須渡鴉噪
斜陽奈晚何

身寄籃輿一鳥輕看山引出住山情筠門嶺上瀟瀟雨半是
泉聲半竹聲

青龍岩石似蜂房絕壁中間嵌佛堂眼裏洞天無路入一聲
清磬落滄浪

初至潮州住監司使院之西園池上得詩四首

海國初冬似早秋曉寒剛稱薄棉裘年時記在燕臺住十月

金河凍不流

四面闌干十畝池小門開處綠迷離芙蓉葉外芭蕉葉隔著
疎簾看最宜

雕籠小鳥豔於花孔雀屏開隔絳紗不似來時江上路亂山
叢竹叫棲鴉

一束蒼藤是古榕牆陰低覆佛桑紅梅花開盡來爲客春在
高樓一笛風

贈李香渠秀才

洪序

海風吹雨夜颼颼街鼓沈聲臥節樓游子有緣同作客書生
無路覓封侯人如松竹宜青眼身落江湖易白頭我亦懷歸
兼感遇憑君相對莫言愁

送胡鶴泉秀才

標

還番禺兼附家書

瑤琴寶瑟向君彈爲愛深情結古歡不露光明留鏡久同
居處氣如蘭北山采杞路何遠南國探梅天正寒卻問歸飛
彭蠡雁幾時爲我報平安

初食江瑤柱

江瑤柱與鮮荔支領海之間兼有之世言兩物皆尤物如以
鄭旦儕西施我來到門愧嘉客不及紅雲開宴時恰值官廚
致海錯鐵甲中藏珂雪肌瑤雲腴露水一沸玉漿澄澈浮花
盜銀匙未淪箸未下頗覺芳氣通心脾舌本試嘗忽疑訝風
味何乃平無奇豈是書生藜苳腹羊踏菜園非所宜抑恐世
情過推許深源不副蒼生期鳳脂麟髓未到口猩唇熊掌從
可知海山仙人會相見傾城風骨今亦疑因思世味類如此
染指未若觀朶頤

再荅東田見贈之作

前日與君池上談，水風吹冷芙蓉衫。踰烏欲下語未竟，暮色爲我迴青藍。君退凝燈坐，瑤席夜開五色珠。函一珠一字三百字，愛極生妬驚生慙。獲金篋刮眼中膜，服檳榔祛胷積痰。自茲短榻爲君設，夜深文字禪同參。心印印今亦印古，皎如片月當秋潭。我昔北遊結豪俊，詩壇磊落羅朋簪。江山到處索吟債，吐絲自縛嗟春蠶。見獵喜輒攘臂起，坐此貧病心仍甘。向君那忍作常語，不枉遠落韓江帆。況乃嗜芰有同嗜，蕝鹽入味調辛鹹。忍俊不禁歎且笑，破碎五臟還鑄鑠。此地昌黎萬古筆，苟沾餘潤當醺酣。鳳山高，高鱣溪闊，前賢秘奧思搜探。湜籍汗流愧下走，看君追逐飛龍驂。

韓山謁韓文公祠

鳳翔佛骨存不存公像巍巍山密尊聖賢俎豆享崇報精藍
香火羞同論公居湖陽八月耳手披榛莽開蒙昏佛不降災
天護佑匹馬旋入長安門何充蕭瑀世不乏燭火豈敵博桑
噉生能佞佛沒則已餒鬼乞食隨諸髡潮人感公永勿替廟
下歲歲陳羔豚魂魄戀此理或有騎龍冉冉來帝闕紹聖遷
客亦人傑身宮磨蝸同邈迤狂瀾砥柱百川障非公孰能當
此言我來肅拜後千載若探積石通昆侖白鸚鵡碑傳刻在
蛟龍鬱律不敢捫大賢餘事尚如此況乃道德凝胚渾夢中
丹篆誰會得長與元氣相氤氳海國斯文未墜地韓江泯泯
猶東奔

題楊妃出浴圖

玉環進作天子妃華清池水凝臙脂石蓮花開鳧雁飛羅幃

不許春風吹輕綃薄霧紅映肌寶鏡橫煙初畫眉頭上百合
髻金翠雲花垂足下五采履蕩覆鴛鴦棲神妝已竟踈鳥低
媚香蛺蝶遙相隨百花開顏月增輝瓊窗玉女來私窺綢繆
臂印承恩時桂紅不褪恩不移金釵鈿盒并玉龜宮中行樂
無人知端正樓前鉞鏤施金溝棄水流珠璣市人往往求得
之別院長湯十六所殘膏臘粉如沙泥君王蝶幸長無期上
陽花冷春淒淒愁絕長門梳洗稀梅花零落楊花肥可憐生
女作門楣兩兄高第列棨戟秦韓號國封諸姨他日賜錢還
洗兒君不見西施浴處名香溪吳宮已沼寒鴉啼君不見香
湯浴體趙昭儀禍水滅火炎漢衰名亂豈不由宮闈歎忽漁
陽生鼓鼙二十四郡誰支持三郎郎當行向西梨樹金環繫
羅衣蓬山隔海長別離長別離長相思鳥啼花落苦悲蒙

塵不洗當爲誰

除夕二首

依託良朋比弟兄老親宜慰倚閭情此身況是長爲客聽慣
他鄉爆竹聲

不堪寂寞追前事已覺豪華遜後生記得年時當此夕強人
同坐到天明